

Iroun Beretitenti Henry B. Eyring

Moan Kauntira n te Moan Beretitentii



Te Kantanipa ni Karekean te Tangira n te Utu ae akea Tokina

Man ana bwaintangira ni kabane Tamara are i Karawa ae tangira ae e a tia ni karekea nakoia Natina, te kabanea ni korakora bon te maiu ae akea tokina (taraa D&C 14:7). Te bwaintangira anne bon te maeka ma te Atua ao Ana Rikitemanna inanon utu aika akea tokiiia. Ti man ana kabanea n rietata abanuean te Atua, (are te) tiretio, are e na kona n reitinako iai te kabaebae n te maiu n utu.

Ngaira ni kabane ti kantaninga bwa ti na karekea te kimwareirei ni maeka ma utu aika tangira. Ibukiia tabeman mai ibuakora, bon te namakin ae ti aki tataneiae iai ma ngaia—te namakin ae kona ni karoaki ma e tuai mani karerekeaki. Ti na bae n tia n nooria ni maiuia tabeman. Ibukiia tabeman mai ibuakora, e a tia te tangira n te utu n taraa ni koaua riki ao ni kakawaki ngkana e a tia ni kamanakoira te mate mairoun te ataei, te tina, te tari, te titita, ke tiibu aika tangiraki.

Ti a tia ni kabane n namakina te kantaninga are n te bong teuana ao ti kona ni manga namakina riki aia tangira kaain te utu anne ae ti rangin n tangiria ao ngkai e kakai nanora ni kamoamoia riki.

Tamara are i Karawa e atai ara iango, namakin, ao kateira aika raba. Ana kantaninga bwa E na anganiira te kimwareirei (taraa 2 Nibwaai 2:25). Ao ai ngaia are E anga

ana bwaintuaraoi Natina ni kona ni karekea te kimwareirei n ana kabaebae te utu ae reitinako n aki toki. Ibukina bwa te Tia Kamaiu e urua ana kabaebae te mate, ti na kona ni karekea te mangauti. Ibukina bwa E kamaiura man ara bure, ti kona, man ara onimaki ao ara rairannano, ni kona n tau n rin n abanuean te tiretio, ike a kabaeki iai utu n te tangira ae akea tokina.

Te Tia Kamaiu e kanakoa te Burabeti Eria nakon Iotewba Timiti bwa e na kaoki kingiin te nakoanibonga (taraa D&C 110). Man kiing akanne ao e roko te mwaaka ni kabaebae, are e anga Ana kabanea n rietaata ni bwaintuaraoi te Atua nakoia Natina—te maiu ae akea tokina inanon kabaekia utu ni kabane n aki toki.

Bon te bwaintuaraoi are a kona natin te Atua ni kabane aika a roko nakon te aonaaba ni karekea. Katenimwakoron Natina aika tamnei aki butimwaea Ana bwaintuaraoi n te aonaaba n tamnei. Ibukin aki taun te onimaki ao e a karekea te kakaitara, a rineia bwa ana aki kona ni kinaa aron kimwareirein ana bwaintuaraoi te Tama are i Karawa n te utu are akea tokina.

Ibukiia naake a bwaati n te ukeuke ae kakawaki are e karoaki n te aonaaba n tamnei ngaia ake a tau ni karekea te rabwata ae mamate, ti kona ni karoao te rinerine ae tamaroa ibukin te maiu ae akea tokina. Ngkana ti kakabwaiaaki

ni karekea te euangkerio ae kaokaki, ao ti kona n rineia ni karaoa te berita ae tabu ma te Atua are e kona ni kairikiira n tau ibukin te maiu are akea tokina. Ngkana ti kekeiaki ao n teimatoa n onimaki, ao te Tamnei ae Rairoi e na kamatoa ara kantaninga ao ara aki nanokokoraki are ti mena iaon te kawai nakon te maiu ae akea tokina, ni maeka ma utu aika akea tokiiia n te abanuea ae te tiretio.

Tabeman aomata, ana bae n aki namakina te kantininga ae batu ni karekean te kimwareirei ae akea tokina anne. Kaaro, ataei, mwaane, ao aine a na bae n tia ni karo-i rinerine aika ana taraa ni katukaki iai man te maiu are akea tokina. Ko na bae naba n titiraki bwa ko a tia n tau rinanon Ana mwakuri ni kamaiu Iesu Kristo ke ko tuai.

Ana burabeti te Atua e anganai n te taina te reirei are e karekea te rau inanou. I raraoma bwa aia rinerine tabeman a na kona n aki karika au utu bwa te utu ae akea tokina. E taku, "Ko raraomaeakina te kangaanga ae kairua. Ko ti maiuakina te maiu ae tau bwa ko aonga ni karekea te abanuea ae te tiretio, ao te kangaanga n te utu a na rangin n nakoraoi riki nakon ae ko kantaningaia."

Nakoia ni kabane naake n oin aia atatai ke aia mare ao aia ataei—ke akea buuia ke aia ataei—e kamaunai aia kantininga (ibukin te maiu ae akea tokina), I anga au kakoa-ua: bwa te Tama are i Karawa E kinai ao E tangiri ngkami ngkai bon Natina n tamnei ngkami. Ngkai ko maeka ma Ngaia ao Natina ae Moan te Tangiraki imwain te maiu aei, A katikua inanom te kantininga are ko na karekea n te maiu ae akea tokina. Ma mwaakan Ana Mwakuri ni Kamaiu Iesu Kristo ni mwakuri ao ma ana kairiiri te Tamnei ae Raoiroi, ko kona n namakinna ngkai ao n namakinna n te aonaaba ae na roko ana tangira te utu ae a tangiria Tamam ao te Nati ae tangiraki bwa kam na karekea.

I kakoaua bwa ngkana kam maiuakina te maiu ae tau nakon te abanuea ae te tiretio, te berita ni burabeti are "kangaanga n te utu a na rangin n nakoraoi riki nakon ae ko kantaningaia" e na riki bwa am bwai.

REIREI MAN TE RONGORONGO AEI

Iangoia ni moana am reirei n te mweenga man tuangakiia naake ko reireiniia te tai are ko kakaitau iai ibukin te kantininga are ko na karekea te utu ae

akea tokina. Kaoia bwa ana iangoa te tai are a tia iai n namakina te kakaitau ibukin te utu ae akea tokina. Titirakinia bwa ana kaota oin aia iango (iaon te rongorongo aei). Ko kona ni kaoia bwa ana iangoi kawai ni katamaroa ao ni maiuakina riki te maiu ae na tau n te abanuea ae te tiretio bwa e aonga te taeka ni berita "kangaanga n te utu . . . a na rangin n nakoraoi riki nakon ae ko kantaningaia" a kona n riki bwa aia bwai.

KAIRAKE

Tibwuaan te Kukurei ae Aketa Tokina

Teuana te bwai ae moan te tamaraoa ibukin te euangkerio bon te atatai n te babaire ni kamaiu. Ti karekea te tai ae rang n tamaraoa ni maeka ma aru utu ibukin akea tokina. E na buokiira te taneiai anne n anganiira te kantininga n te tai are ti namakina te karawawataki ni bwain te aonaaba. E reirei Beretitenti Eyring, "Tamara are i Karawa ae tangiraki e atai nanora. Ana kantininga bwa E na anganiira te kimwareirei (taraa 2 Nibwaai 2:25). Ao ai ngaia are E anga ana bwaintituaraoi Natina bwa E na kona ni karekea te kimwareirei n ana kabaebae te utu n reitinako n aki toki. . . . bon te boraraoi are a kona ni karekea natin te Atua ni kabane aika a roko nakon te aonaaba."

Te kakabwaia anne e kaineti nakoira aika ti maiuakina ae eti ngkai ao nakoia naake a tia ni mate—ma e ti kona ni karaoaki (nakoia ake a tia ni mate) rinanon ara ibuobuoki. A maeka ara bakatibu n te aba n tamnei n te tai aei, n tataningaira ni katauraoi araia ibukin otentanti n te tembora bwa a na karaoaki ibukiia. Ma n tabetai e kona ni kangaanga karaoan te mwakuri ibukiia. Ti kona n rangin n tabetabe, ke ni maeka n raroa nako man te tembora ni kona n nanako n tainako.

Ti tekeraoi, bwa iai kawai tabeua aika ti kona ni buokiia ara bakatibu iai, n aron karaoan te mwakuri n rongorongan te utu, karinanakin araia, ke te tobwa ibukiia ara karo ngkana a nakon te tembora. Man te ibuobuoki, ti beku ibukin te Uea ao ni uota te kantininga n te utu ae akea tokina nakoia naake n iteran te aonaaba n tamnei.

Utu Bon Akea Tokina

bukin Ana Mwakuri ni Kamaiu lesu Kristo ao kaokan kiing n te nakoanibonga, ti kona ni maeka ma ara utu n akea tokina! Tera ae ko tangiria ibukiia am utu? Irii kaetieti aikai ni karaoa te tiein n te beeба aei ni buka-maruia am utu.

1. Rukuma ni kauaitera te mwakoro ni beeба uoua te tai bwa ko aonga ni karekea tabon te beeба teuana ae abwabwaki.

2. Korea tamnein te aomata ma baina n nakon mataniwiin te beeба are e rukumaki.
3. Korea te aomata ni kanakoa. Tai korei baina ake a ringa mataniwiina ake a rukumaki.
4. Manga Kaukia. Koreia ke korotamneia te bwai ae ko tangiria ibukiia kaain te utu n tatabemaniia nako.
5. Ikotii n teibini tiein aikai ni kabane ngkana e bubura am utu!

© 2016 ioun Intellectual Reserve, Inc. A bane n tauaki mwiin taian kariaia ibukin katootongana. Boretiaiki i USA. Kariaiakaki n te Ingiriti: 6/16. Kariaiakaki rairana: 6/16. Rairan te *First Presidency Message, August 2016*. Kiribati. 12868 859



Kakorakorakiia Kaain te Utu Ni Kabane

Tataromuaaka ni kamatebuia te bwaii n reirei aei ao n ukoria bwa ko aonga n ataia bwa tera ae ko na tibwaia. E na kanga ataakin “Te Utu: Te Katanoata nakon te Aonaaba” ni karikirakea am onimaki iroun te Atua ao ni kakabwaiaia naake ko tararuatia rinanon te reirei ni kakawari? Ibukin rongorongona riki tabeua, nakon reliefsociety.lds.org.

ai taben te “bumwaane ao te buaine aika rine n tangiriia ao tabeakiniia n tatabemaniaa nako ao ibukiia naba natia.”¹ “Te mweenga bon te tabo are e reireiniira n tangira ao ni ibuobuoki iai te Atua,” e taku Beretitenti Russell M. Nelson, te Beretitenti n te Kooram n Abotoro n te Tengau ma Uoman.

“Tamara are i Karawa E tangiriia mwaanenumwa ao ainenumwa bwa ana onimakiniia bon irouia ao ae e kakawaki bwa a na karikiia natia bwa bwaai n akoi mairoun Iehova.”²

N ana Boki Moomon, ao e taku Iakobwa bwa te tangira are iai irouia mwaanenumwa ibukiia ainenumwa, te tangira are iai irouia ainenumwa ibukiia mwaanenumwa, ao te tangira are iai irouia ibukiia natia bon teuana mai ibuakon bukin are n te taina ao e na korakora riki raoiroia Reimwanaite nakoia Nibwaite (taraa Iakobwa 3:7).

Teuana te kabanea n tamaroa ni kawai ni kaoa te tangira ao te rau nakon mweengara bon te taetae n akoi nakoia kaain ara utu. Te taetae n akoia e uota te Tamnei ae Raoiroi. Titita Linda K. Burton, te beretitenti

n te Bootaki n Aine, e tuangiira bwa ti na iangoia: “N ningai ae ti aki toki iai n ‘tataekin taeka n akoi nakoira n tatabemanira?’”³

Rakan riki Booki aika Tabu

I-Rom 12:10; Motiaeae 4:15;
Doctrine ao Covenants 25:5

Karaki n Taai Aikai

Unimwaane D. Todd Christofferson man te Kooram n Abotoro n te Tengau ma Uoman e tibwaua te atatai inanon ataeina are e reireinna te namakin n aron te bwai are e na aki mwaninga kakawakin te utu ae tangira. Ngke ngaia ao (aman tarina aika uarereke riki) kairake n ataeinimwaane, e a tia tinaia ni karaoaki te korokoro ae korakora nakoia ibukin te kaentia are e a karika marakin baina te angaatai ngkana e tabekia. Ma te utu ae bon ti ngaiia ataeinimwaane, a mwaiti kunnikai aika ana katiraaki, ma ngkana e karaoa te katira tinana, e na bae moa n toki n tainako ao n nakon te ruunimatu n tang ni karokoa e kerikaaki te maraki.

Ngke taman Unimwaane Christofferson e ata te bwai ae riki,

e kaakea ana tai n amwamwarake n te tawanou n aki kamauantia inanon e kania te ririki ni kawakina te mwane ae tau ni kaboa te mitiin are e na kabebetea aron te katira. Man ana tangira ibukin buuna, e katea te banna ni katooto ibukiia ana ataeinimwaane n tararua inanon utu. Man te katooto n akoi aei, e taku Unimwaane Christofferson, “I aki ata ana mwakuri n ibuobuoki tamau ao ana mwakuri n tangira ibukin tinau n te tai anne, ma ngkai I a atia, I taku nakoiu, ‘Iai te aomata (ae korakora).’”⁴

BWAII AIKA A NA TARAAKI

1. “Te Utu: Te Katanoata nakon te Aonaaba,” *Riaona*, Nobembwa 2010, 129.
2. Russell M. Nelson, “Salvation and Exaltation,” *Riaona*, Meei 2008, 8.
3. Linda K. Burton, “We’ll Ascend Together,” *Riaona*, Meei 2015, 31.
4. D. Todd Christofferson, “Let Us Be Men,” *Riaona*, Nobembwa. 2006, 46.

Langoa Aio

E kanga te tangira ao te ibuobuoki ibukin temanna ni kaoa te Tamnei inanon mweengara?